



## Fichas divulgativas pagamentos directos

## FICHA 1d / PD

## Réxime de pequenos agricultores

### NORMATIVA

- **Regulamento (CE) 1307/2013** polo que se establecen normas aplicables aos **pagamentos directos** aos agricultores en virtude dos réximes de axuda incluídos no marco da política agrícola común (título I, artigo 4, e título V, artigos do 61 ao 65).
- **Real decreto 1075/2014** sobre a aplicación a partir de 2015 dos **pagamentos directos** á agricultura e á gandería e outros réximes de axuda, así como sobre a xestión e o control dos pagamentos directos e dos pagamentos ao desenvolvemento rural (título V, art. 86 ao 88).

### DEFINICIÓNS

**Agricultor e gandeiro (en diante agricultor):** toda persoa física ou xurídica ou todo grupo de persoas físicas ou xurídicas cuxa explotación estea situada en calquera Estado membro e que exerza unha actividade agraria.

**Real decreto 1075/2014 de pagamentos directos (art. 3 – b)**

### NORMAS XERAIS

Os agricultores que en 2015 posúan dereitos de pagamento básico, en propiedade, usufruto ou en arrendamento, e o seu importe total de pagamentos directos que vaian percibir sexa **inferior a 1.250 euros** quedarán incluídos automaticamente pola autoridade competente no réxime para pequenos agricultores, non sendo que expresamente decidan non participar nel; neste caso deberán comunicarllo á autoridade competente antes do 15 de outubro de 2015. Serán informados do seu dereito a decidir non participar no réxime de pequenos agricultores aínda que cumpran as condicións para iso.

A partir de 2015 só se poderán incorporar novos agricultores ao réxime de pequenos agricultores nos casos en que se lles asignen dereitos de pagamento a través da reserva nacional e vaian percibir menos de 1.250 euros en concepto de axudas directas, así como aqueles produtores que se incorporen a este réxime a través dunha cesión.

A pertenza ao réxime de pequenos agricultores é incompatible coa percepción de calquera outro pagamento directo.

Para aqueles agricultores que estean incluídos no réxime simplificado para os pequenos agricultores, a solicitude única consistirá unicamente na presentación dunha confirmación do seu acordo de seguir pertencendo ao dito réxime para cobrar a anualidade correspondente, xunto coa información mínima para cada parcela que se establece no anexo VII.

Durante a súa participación no réxime para os pequenos agricultores, os agricultores deberán manter polo menos un número de hectáreas admisibles correspondente ao número de dereitos activados no ano 2015.

Os dereitos de pagamento activados en 2015 por un agricultor que participe no réxime de pequenos agricultores consideraranse dereitos activados para todo o período de participación do agricultor nese réxime. En sucesivas campañas a partir de 2015, os agricultores incluídos no réxime de pequenos agricultores poderán presentar a súa renuncia ao seu mantemento nel, durante o período de solicitude única.



En caso de que un agricultor renuncie á súa participación neste réxime, non poderá volver solicitar a súa inclusión nel.

**Real decreto 1075/2014 de pagamentos directos (art. 86)**

#### REQUISITOS XERAIS PARA PODER ACCEDER AO PAGAMENTO

Deberán:

- Ter dereitos en 2015 e manter cada ano, polo menos, o mesmo número de hectáreas admisibles.
- Presentar solicitude única ou manifestar desacordo coa participación no réxime.
- Cumprir o requisito mínimo de 100 €.

#### CARACTERÍSTICAS

A superficie e os dereitos de pagamento (en propiedade ou arrendados) que posúan os agricultores que participen no réxime para os pequenos agricultores non serán transmisibles, salvo en caso de sucesión *inter vivos* ou *mortis causa*.

Os/As agricultores/ras que participen neste réxime quedarán exentos de aplicar as condicións establecidas para as prácticas agrícolas beneficiosas para o clima e o ambiente.

Os/As agricultores/ras que participen no réxime simplificado de pequenos agricultores non serán controlados no relativo á aplicación da condicionalidade. Por outro lado, non lles será de aplicación o establecido na epígrafe de agricultor activo, excepto no referente á necesidade de estaren inscritos nos rexistros pertinentes.

As penalizacións previstas por declaración incompleta das superficies de todas as parcelas agrícolas da explotación na solicitude única non se aplicarán no marco do réxime para os pequenos agricultores.

Non se publicarán os nomes dos/das agricultores/ras que participen no réxime simplificado de pequenos agricultores na lista de beneficiarios das axudas directas que os organismos pagadores deberán publicar anualmente. A publicación dos seus datos farase mediante a utilización dun código que substitúa a súa identificación individual.

**Real decreto 1075/2014 de pagamentos directos (art. 87)**